

SARS e tšwetšapele Tirišanommogo ya Motšhelo ya Ditšhabatšhaba ka Afrika le magareng ga dinaga tša BRICS

Tshwane, 4 Nofemere 2022 - Ditirelo tša Motšhelo tša Afrika Borwa (SARS) di kgathile tema ka go dikopano tše pedi tša ditšhabakopano mo bekeng to tiišetša tirišano ya motšhelo ya ditšhabatšhaba ka Afrika magareng ga dinaga tša BRICS (Brazil, Russia, India, China le South Africa).

Go ya ka Leano la rena Tebo 8 - go šoma le baswarakabelo le Leano la Tebo 9 - go aga boitshepo bja setšhaba le potego, SARS e dutše e šoma ka tšwelelo go aga ditirišano tša rena tša ditšhabatšhaba le ditheo tše bohlokwa tše bjalo ka OECD, *Global Forum on Tax Transparency*, ATAF, WCO, SADC, SACU, *United Nations* gammogo le go šoma bobedi le ditaolo tše dingwe tša Motšhelo le Khasetomo SARS e kgathatema ka matšato gape e abela ka tlheko diforamong tše ka ge go bile le boitaetšo gape mo bekeng yeo e fetilego.

Kopano ya mathomo e be e le ya ditšhabatšhaba ya Kopano Kakaretšo ya Ngwaga ka ngwaga ya bošupa ya Foramo ya Taolo ya Motšhelo wa Afrika (ATAF) ka Lagos, Nigeria, go tloga ka la 31 Oktobore go fihla ka la 3 Nofemere 2022. Se se latetšwe ke dikopano tša go bonana ka inthanete tša BRICS, tšeo di swerwego ka ba Taolo ya Motšhelo ya Mmušo (STA) ka China bjale ka Modulasetulo wa gabjale wa BRICS. Se se bopilwe ke Ditsebi tša Motšhelo tša BRICS le Ketapele ya Balaodi ba Motšhelo ka la 2 le la 3 Nofemere 2022.

ATAF

Ka Kopano ya morago ga mengwaga ye mebedi ya bošupa ya Kopano Kakaretšo ya ATAF, Togo le Afrika Borwa di kgethilwe leboeletša bjale ka Modulasetulo le Motlatša Modulasetulo wa ATAF, ka tatelano. Maloko a mangwe a Khansele bao ba kgethilwego bakeng sa tirelo ya mengwaga ye mebedi e bile Nigeria, Rwanda, Botswana, Burundi, Uganda, Zambia, The Gambia le Morocco. Khansele e fana ka leano la tlhahlo le ketapele go mošomo wa Bongwaledi bja ATAF. ATAF e ketekile kamogelo ya leloko la yona la bomasommenne-tee, South Sudan.

Sererwa sa Kopano Kakaretšo ya bošupa, sa *Rethinking Revenue Strategies: The Human Face of Taxation* o tsenetšwe ke batho ba 500 bao ba emetšego balaodi ba 33 ba motšhelo le ditheo tša tirišanommogo to tše 15. Kopano e rerišane ka merero e mmalwa ya go nyalelana le motšhelo, go akaretša bohlokwa bja go tšweletša Tshepetšo ya Ditlabela tša Selegae go tšwetšopele ya Ditšhelete, theknolotši le matlotlo a botho, *Two-Pillar Solution* yeo e nepilego go dikarabao tša merero ya ditlhohlo tša motšhelo go tšwa go phetolelo ya ekonomi go titšiti, e ikemišeditše go kaonafatša ditlabela tša tshepetšo ya ditšhelete, tirišotlalo ya ditlabela tša tlhago tša dirente, gammogo le go thibela kelelo ya ditšhelete tšeo di sego molaong.

Enngwe ya šedi ya kopano e be e le tlhomo ya *Handbook on the Future of Resources Taxation*. Dikakanyo tše lesome di ile tša laetšwa ka pukung ye tša ka fao mokgwatšhomo wa gabjale wa motšhelo wa moepo o ka kaonafatšwago gape dinaga tša go huma tša go ba le ditlabela di ka oketšago dipušetšo ka lehumo la diminerae.

Khomišinare Edward Kieswetter o boletše ka bothakga bjo bogolo ka go tlhagišo ya gagwe ka ga sererwa sa *Tax and Technology – Human Centered Socially Responsible Automation*. Polelong ya gagwe Khomišinare o laeditše tšwetšopele yeo e dirilwego go aga SARS ya Sebjalebjae ya go šoma ka bohlale.

O tšwetšepele ka to gatelela bohlokwa bja go lebogiša botho le go gopotša batheeletši gore, “sebjalebjae seo re se dirišago go ditaolo tša rena tša motšhelo, theknolotši le data yeo re e dirišago, mafelelong di šoma ka batho. Ke ka ga badudi bao re ba direlago. Ke ka mabapi le balefela motšhelo bao re hlomphago dikabelo tša bona gape ke ka ga bašomi ba rena bao ba phethagatšago se ka tšwelelo”.

Go hwetša tshedimošo enngwe ka ga kopano, šupetša go www.ataftax.org.

BRICS

Ye e be e le kopano ya bo lesome ya Balaodi ba Motšhelo ba BRICS gape ke ngwaga wa mathomo fao ditheo tša selete le tša ditšhabatšhaba di kgathilego tema ka go ditherišano tša Brics.

Šedi ya kopano ya Ketapele ya Balaodi ba Motšhelo e be e le tiišetšo ya tlhomo ya kgatišo ya mathomo ya *BRICS Tax Best Practices compilation*, kgoboketšo ya tshedimošo e bohlokwa ya dithutonyakišišo tša taolo go tšwa go Balaodi ba Motšhelo ba BRICS.

Dithutonyakišišo di laetša ditlwaetšo tše kaonekaone tša Lenaneo la Obamelo ya Tirišano la CONFIA, Mamp a Mampsha a Taolo ya Sekoloto sa Motšhelo, Tirišo e Botse ya Data ya AEOI— tše di latego tša CRS Tool, *Faceless Tax Administration, AIS and Updating of Returns, Smart Individual Income Tax (IIT) Reconciliation, Tax Awareness Month, Coordination of Tax and Customs Pricing for Imported Goods* gammogo le Taxpayer Compliance Evaluation and Monitoring.

Afrika Borwa e tlo tsorama Bodusetulo bja BRICS mathomong a 2023 gomme e tlo swara dikopano tša Motšhelo tša BRICS ka 2023.

“Tirišano ya ditšhabatšhaba e bohlokwa kudu go kgontšha SASRS go phethagatša tagafara ya yona. Go šoma ka le baswarakabelo go kaonafatša mokgwatšhomo wa motšhelo go bohlokwa kudu go taetšo ya leano la rena. Re holofetše go ba le tirišanommogo ya phethagalo gape ya mohola le baswarakabelo ba rena ka moka, bobedi ba mo nageng le ba ditšhabatšhaba, ka go mokgwatšhomo wa motšhelo wo o fanago ka dikholego ka botlalo go balefela motšhelo le bagwebi, mmušo le setšhaba.

Re a matlafatšana go rarolla ditlhotlo tša taolo ya motšhelo le go kaonafatša obamelo ya motšhelo ka boithaopo”, gwa bolela Khomišinare

Beke e tlogo, ka Spain, *the Global Forum on Tax Transparency* go akaretša Boitšhimolliši bja ka Afria di ile tša kopana go rerišana ka tšwetšopele yeo e dirilwego ka boitlamo bja go šomana le efokgo ya motšhelo ka tirišano ya ditšhabakopano le tšhentšhano ya tshedimošo (EOI). Go ya ka bohlokwa bja leano la tšhentšhano ya tshedimošo bakeng sa SARS, Khomišinare wa SARS Kieswetter o tlo tsenela kopano go tiišetša tswalano le badirišanimmogo ba rena ka hlomphe ya tšhentšhano ya tshemošo le go thušana ka dinyakwa tša go swana.

Go hwetša tshedimošo enngwe ikgokaganye le SARS Media@sars.gov.za

